



МЕСЯЦА ОКТЯБРЯ В 4-Й ДЕНЬ

Обретение честных мощей святителей Гурія,
архиепископа Казанскаго,
и Варсонофія, епископа Тверскаго

НА МАЛОЙ ВЕЧЕРНИ

Стихиры, глас 1.

Подобен: Небесных чинов:

Взясте на рамо крест Христов / и распястеся миру, преподобнии, / и последовасте стопам создавшаго от не сущих вся, Божия Слова. / Егоже молите, да приемем грехов прощение / и наследницы будем жизни вечныя.

Явистеся сокровище добродетелей / и презресте вся яже в житий красная, / Христовою любовью распалаеми, ищуще яже Богу угодная. / И Того ради бысте жители Царства Небеснаго / и о нас молите, / да будем и мы тому сопричастницы.

Безстрастия бывше краснии сосуди, отцы преблаженнии, / и чудес источницы, / монастырствующих столпи крепцыи, демонов прогонителие / и страстей целителие, / да почтутся песньми / наставницы наши премудрии / и молят Христа да спасет души наша.

Слава, глас 6:

Кто доволен похвалити таковыя святители, / возсиявша напоследок лет, / благодатию бо Святаго Духа / чудес исцелений дар приемше от Бога / и своих телец нетление, / нам же у Христа просят грехов прощения / и велия милости.

И ныне, Богородичен.
На стиховне стихиры, глас 2.

Подобен: Доме Евфрафов:

Дом и жилище Духа Пресвятаго / преподобнии отцы были есте, / темже и нас дом Того соделайте, / святую вашу память почитающих.

Стих: Честна пред Господем / смерть преподобных Его.

Не престаите молящися, преподобнии, / о присных рабех ваших, / ихже нетлением телес ваших возвеселисте, / да вси честную вашу память, веселящися, почитаем.

Стих: Восхваляться преподобнии во славе / и возрадуются на ложах своих.

Молитесь прилежно за ны, наставницы наши, / и избавите ны от бед и скорбей, / яже на ны находят, / ускорите, святии, на помощь нашу, / да по долгу вас ублажаем.

Слава, глас 3. Самогласен:

Мног труд и тесен путь в житий своем прешли есте, / отцы преподобнии, / и тем достигли есте в тихое пристанище / и радость неизреченную, / идеже праведных веселятся лица, / являющиеся нам, чадом своим, / яко мзду прияли есте трудов своих.

И ныне, Богородичен.
Тропарь общий святых, глас 3.

Подобен: Да веселятся:

Первии учителяе прежде темному, / ныне же светлomu и новопросвещенному граду Казани, / первии возвестителие пути спасительнаго, / истиннии хранителие апостольских преданий, / столпы непоколебимии, благочестия учителяе / и Православия наставницы, Гурие и Варсонофие, / Владыку всех молити / мир вселенней даровати и душам нашим велию милость.

Слава, и ныне, Богородичен.

НА ВЕЛИЦЕЙ ВЕЧЕРНИ

Блажен муж: На Господи, воззвах: поставим стихов 8 и поем стихиры святителя Гурия, глас 5.

Подобен: Радуйся:

Преданием прилежав прилежно, / яже приял еси от Спаса нашего Христа Бога, / и святых Его

ученик, / и вселенских учителей, / верою и благопокорением к наказателю своему / и достигл еси словесное наказание / и совершенное познание Священных Писаний. / И того ради избраннаго Христова стада отец / и учитель являешься, святителю Гурие, / Христа Бога моли спастися нам, / верою приходящим к раце мощей твоих.

К тридесетем два лета / землю покровено бысть честное тело твое, святителю Гурие, / и обретеса рака мощей твоих / полна мира благовоннаго, / гроб же и погребальная нова бяху, / крепостию же новых крепчайша; / тело же твое честное, аки губа, верху мира ношашеся; / части же от чудотворнаго твоего тела / ни единой погруженной бывшей, целости ради. / Темже молим тя, святителю Гурие: / моли Христа Бога спастися душам нашим.

Монаха два подвигшася к Богу добре, / Иона и Нектарий, един одинаго родивый, / тебе же послуживша в мире верно, / и по смерти твоей веру к тебе держаста несумненну / и храмину каменну над гробом твоим соградиста: / в тойже и сами близ тебе погребошася, святии тии, / многим нетлением от Бога почтени бывше. / Моли с ними, святителю Гурие, Христа Бога / даровати нам мир и велию милость.

Егда обретошася мощи твоя, святителю Гурие, / тогда исполнися весь град благоухания, / и стекошася всенародное множество, / церковнаго первопрестольника и пастыря своего зрети желаяще, / радости и слез исполнишася, вопиюще и глаголюще: / О первый учителю и наставниче граду нашему, / молим тя, моли Христа Бога, / да подаст мир миру и душам нашим велию милость.

Ины стихиры святителя Варсонофия, глас 5.

Подобен: Преподобне отче:

Святителю предивный Варсонофие, / споспешествуй нам, чадом твоим, / на видимыя и невидимыя враги наша: / имаши бо на сие от Бога данную тебе силу, / истинный Божий угодниче, / моли избавитися нам от всяких бед / твоими, святе, молитвами.

Восхотѣв по Христѣ жити, / показáлся еси целомудрен, святителю Варсонóфие, / и многим путь показáв ко спасѣнию, / ко Христу привѣл еси, твоему Влады́це. / Имѣя к Нему дерзновѣние, / за чту́щия тя моли́, / да избáвимся бед и печáлей, / да вси тебе велича́ем.

Со усѣрдием словѣс Бóжих послушатель быв / и благочѣстно и праведно, благоугóдно житие пожив, / святителю Варсонóфие, / Христа любя́ и Христомъ любимъ быв, / и вѣчныхъ благ наслѣдникъ был еси. / Моли́ Христа Бога, преподóбне, / спасти́ и просвети́ти дýши наша.

Преподóбныя твоя рýки простѣр молебно, / Варсонóфие, óтче преподóбне, / о держáве нашей Христу моли́ся, / о граде и о святѣй обитѣли, / ѣйже был еси первый здáтель / и пáстве начальник, / в нейже трудолюбѣзно пощѣнием и молитвою дóбре подвигся, / и многотрудному твоему тѣлу положитися Бог в той извóли; / и преслáвно обретóшася честнóя твоя мóщи нетлѣнны, / подаю́т чудеса́ и исцелѣния. / Моли́, преподóбне, и нам спасти́ся, / твою память почи́тающимъ.

Слава, глас 4:

Духóвною благодáтию отъѣмлете недýги и стра́сти, / и отгóните дýхи лукавыя, и исцеля́ете стра́сти неисцѣльныя, / и просвещáете вѣрныя, и невѣрныхъ в веру претворя́ете / блистáнии чудесъ вашихъ, отцы преподóбнии. / Темже днесъ глáсы немóлчными / воспѣва́ем вашу память пресвѣтлую и мóлим вас: / моли́те Христа Бога / спасти́ся душáм нашимъ.

И ныне, Богородичен.

Вход. Прокимен дне.

Чтения 3 святительская (зри страницы 135—138).

На литии стихиры, глас 3. Самогласны:

Чíстою совѣстию и благимъ нравомъ / мона́хи и мирскóя многóя / учѣниемъ вашимъ ко Христу́ привелí естѣ / и сего ради нетлѣниемъ от Христа почтѣни естѣ. / Егоже моли́те спасти́ся душáм нашимъ.

Ра́ки ваша вопи́ютъ к Богу молитву вашу / и прóчия добродѣтели, / послушество́уютъ же Тому и

ризы ваша погребальныя;/ святая же телеса
ваша вселенную удивляют и народ
благочестивый./ Но молитте Господа да спасет и
просветит души наша.

Умилосердися, Владыко, о нас, рабех Твоих,/
и о новопросвещенных Твоих людех/ и не пре-
даждь нас в руки поганых за множество наших
беззаконий,/ но молитвами преподобных Твоих
угодник/ избави ны от всякия скорби, и бед, и
печалей.

Постом, и жестоким житием,/ и худю пищу,
и простою трапезою/ на кийждо день обучающе
себе, отцы преподобнии,/ многоценная же всяко
и тленная презресте/ и в нетленных веселитесь,/
и молитте спастися душам нашим.

Слава, глас 8:

Истиннии и неложнии учителя ест были,/
заповеданная бо Господем/ прежде сами
сотворяюще,/ потом же учаще и наказующе ко
благочестию приходящия люди верныя,/ невер-
ныя же вразумляюще познати веру истинну/ и
просвещающе их святым Крещением,/ первии
начальницы и учителя наши нелестнии / и
Божиих заповедей хранителие,/ спасите нас, вас
верю на помощь призывающих.

И ныне, Богородичен.

На стиховне стихиры, глас 3.

Подобен: Велия Креста:

Христову веру, яко свет на свещнице, поста-
viste, наставницы/ и просветителие града Казан-
ни явистесь/ и многи от неверия ко Христу
приведосте/, отцы преподобнии.

Стих: Священницы Твои облекутся в правду,/
и преподобнии Твои возрадуются.

Красуйся, граде Казане,/ имея в себе мочи
преподобных святителей,/ Гурья и Варсонофия,
отгнавших от тебе тьму неверия/ и просветив-
ших тя светом Богоразумия:/ иже и молятся
Христу за вся люди, в тебе живущия.

Стих: Восхвалятся преподобнии во славе/ и
возрадуются на ложах своих.

Велие чудо о вас зрится, отцы преподобнии,/
и ужаса исполнено,/ како по погребении во

мно́га лѣта неруши́ма соблюдо́шася блаже́нная телеса́ ваша, / судьба́ми, ими́же вестъ вас Сам прославля́й.

Слава, глас 6:

Иже прѣжде тѣмный, / ныне же светлый, град Казань красу́ется и веселѣтся, / имѣя в себе нетлѣнныя мо́щи ваша, святѣи чудотво́рцы: / источа́ют бо нам неоску́дна исцелѣния, / с верою приходя́щим к ра́це мо́щѣй ваших. / Мы же, веселя́щеся, мо́лим и тѣпле зове́м: / моли́те, святѣи, Христа́ Бога спасти́ся нам, / святу́ю память вашу почита́ющим.

И ныне, Богородичен:

Богородице, Ты еси лоза истинная:
Тропарь писан на малой вечерни.

НА УТРЕНИ

На Бог Господь: тропарь, дважды. Слава, и ныне, Богородичен. По 1-м стихословии седален, глас 3:

Нам, послѣднему рѣду, явѣстеся, святѣтелие, тѣлом нетлѣннии / и показáте надежду, яко и по смерти неотступно духом нас посещáете. / Темже и припада́ем вам, преподобнии: / моли́те о нас, вашу память любѣзно почита́ющих, / да избáвимся от всех зол вашими молитвами.

Слава, и ныне, Богородичен:

Едино уповáние наше, едина наде́жда, / едино прибе́жище верующим пречестно́му Твоему Рождеству, / Пресвя́тая Преблагословѣнная Богома́ти, / покрѣй, и соблюди́, и от всяких бед избáви / любѣвию велича́ющих Тя.

По 2-м стихословии седален, глас 4:

Бо́гом научѣнная ва́ша уста́ мона́шеским душа́м сладость райскую иска́паша, / и всем образ бы́сте ко спасению, / о дѣвнии отцы наши, Гүрие и Варсоно́фие! / Сего ради вопи́ем вам, прилежно моля́щеся: / потщитеся на помощь нашу / и умоли́те за ны сохрáньшаго вас Благодетеля, Христа́ Бога.

Слава, и ныне, Богородичен:

Светонѣсен Ты свѣщник познахом, Богородице, / Божественное Сияние во утробе носѣла еси. / Темже Тя молим, Владычице: / светом Твоим озари души всех, поющих Тя, / да

верою и любовью почитаем Тя, / яко воистинну истинную сущую Богородицу.

По полиелеи седален, глас 6:

Иже прежде неверием помраченный, / ныне же верою ко Христу просвещенный, / пресловущий град Казань вами хвалится, / имея в себе мочи ваша нетленны, отцы преподобнии; / и с верою приходящим источаете чудеса / и подаете неоскудно исцеление, / любовь святую вашу память почитающим.

Слава, и ныне, Богородичен:

Вместилище чистое Света Пречистаго, / пророки Тя премудро проповедаша; / мученицы поклоняются, святители проповедают, / монаси и протии, богатии и убозии, / и всяк возраст молят: / спаси, Владычице, души наша.

Таже степенна, 1-й антифон, глас 4. Прокимен: Честна пред Господом смерть преподобных Его. Стих: Что воздам Господеви о всех, яже воздаде ми. Всякое дыхание да хвалит Господа. Евангелие от Луки, зачало 24.

По 50-м псалме стихира, глас 5:

Не своего точною смотряста, / но еже всем полезнаго, / и возненавидеста всяку вещь, на грех влекущую, / непреложен имуще помысл благочестия / и соблюдше себе многою крепостию в добродетелех. / Сего ради тверда и нетленна соблюде Бог телеса ваша, / отцы преподобнии. / Того молитесь спастися нам, / вашу память почитающим.

Канон Богородицы на 6

и святых канона два на 8.

Канон святителя Гурия, глас 8.

Песнь 1

Ирмос: Израиля от работы избавил еси, Господи, / десницею Твоею державною: / яко онаго спасл еси, / ныне нас спаси.

Тробице Пресвятая, песнь Тебе принести / и достойными похвалами угодника Твоего святителя Гурия воспети подаждь ми: / да, радуясь, славлю Тя во веки.

Повелением самодержца первопрестольник церковный новопросвещенному граду Казани являешься / и апостольски научил еси веровати Троице во Едином Существо.

Моли́твенный храм в до́му твоём имея / и в том многотру́дне подвиза́ся, / всенóщная сто́яния и молитвы прино́ся вѣну Богу.

Богородичен:

Божия Мати, рóждшая Еди́наго от Святыя Троицы, / словéсное ми недоумéние разреши́ / и слóво ми пода́ждь, имже Тя просла́влю.

Канон святителя Варсоно́фия, глас 8.

Песнь 1

Ирмос: Вóду прошéд, яко сýшу, / и егíпетскаго зла избежа́в, / израи́льтянин вопия́ше: / Изба́вителю и Богу нашему по́йм.

Иже пресла́вную память пра́зднующих свя́тителя Твоего Варсоно́фия, / Слово Божие Единоро́дное, / словéсную жéртву принести́ к Тебе сподóби нас / и уго́дника Твоего верно восхвалíti пода́ждь нам.

Свя́тителю отче наш Варсоно́фие, / моли́ся Христу Богу, / да по досто́янию возмо́жем принести́ тебе пение во хвалéние / и Христа просла́вим.

Неусы́пными моли́твами твоими, свя́те, / страстны́я наша недúги уврачу́й, / душевныя наша болезни исцели́ / и прегрешений оставлéние у Христа нам испроси́.

Богородичен:

Приидите, дéвы и ма́тери, / воспóйте Пречи́стей Божией Матери глас Гавриила Архангела: / радуйся, Обра́дованная, ра́досте всего мира, / и ра́достью Твоею обра́дуй души всех, пою́щих Тя.

Песнь 3

Ирмос: Утвержде́й словом небеса / и землю основáвый на вода́х многих, / утверди́ мя к пéнию славослóвия Твоего, Господи.

Ада́ма дрéвнейша, А́гнца Непоро́чнаго, Бо́жияго Сло́ва Соприсносу́щнаго, свя́тителю Гúрие, моли́, / да пода́ст благочестíвому народу нашему здра́вие во благоде́нстве и на сопроти́вных победу.

Егоже измла́да возлюбил еси, / и вся тле́нная мира сего в ничто́же вмени́л еси, / прехо́дящая презрэ́в, / да в б́удущем утверди́шия сла́вити Господа.

Благове́рных закону наказу́я благоче́стия, /

невѣрныя же научая познати веру благочестиву и истинну / и пѣти с нами присно песнь, Ангелы певаему в Троице Богу: / Свят еси, Господи.

Богородичен:

Под кров Твой державный с верою прибегаем, Богородице: / покрый и соблюди, Госпоже, молитвами Твоими, / и спаси от бед и от клеветы злых человек раб Твоих, присно поющих Тя.

Ин

Ирмос: Ты еси утверждение / притекающих к Тебе, Господи, / Ты еси свет омраченных, / и поет Тя дух мой.

Царевым повелением первую обитель прекрасну в новопросвещенном граде Казани воздвигл еси / и в той многотрудне подвиглся еси, / и многих души ко Христу привел еси.

Видехом и почудихомся, паче же страхом и радостию быхом одержими, / целы бо и неразрушимы обретошася честныя твоя мощи, святителю Варсонофие, / и вси единогласно возопиём: / слава Христу Богу.

Чаемаго, еже в будущем веце, наслаждения, преподобне, достигл еси, / и ныне во свете Святых Троицы ликуеши поя со Ангелы: / Свят еси, Господи.

Богородичен:

Ублажим Божию Матерь Божественными песнями: / идеже бо славится Препоблагословенная Богородица, / тамо демоном страшное исчезновение, христианом же крепость и утверждение.

Кондак святителю Варсонофию, глас 6:

Воздержанием тело духу поработив, / душу же равноангельну сотворил еси, / сего ради святительства саном почётся, / чисте Чистейшему предстоиши. / Моли Христа Бога, святителю, / спасти люди твоя, святе, / да вси вопиём ти: / радуйся, отче преподобне Варсонофие, / граду нашему Казани похвала и утверждение.

Икос:

Первый дому духовнаго составитель / и первый монахом наставник был еси, первый трудоположником образ и учитель был еси, / в новопросвещенном граде Казани / монахи наставляя, и мирския поучая, / и невѣрныя приводя во Хри-

стову веру, / и всем был еси сам образ и учитель
 нелестен. / И славному во градех Твэри святи-
 тель поставляеши, / уча и наказуя пути
 Господню. / Последй же мановением Божиим в
 потруджение свое / во обитель Спасову
 вселяеши / и труды к трудом прилагаети, /
 дондеже вестник, с Небес сошед, поэмлет душу
 твою во обители Царства Небеснаго, / идеже
 ныне веселишися с лики святых. / Мы же, людие
 твои, вопием ти: / радуйся, преподобне отче
 Варсонофие, / граду нашему Казани похвалы и
 утверждение.

Седален, глас 4.

Подобен: Вознесыйся:

От земли Воззавый вас к вечным обителем /
 соблюдает и по смерти телеса ваша, отцы
 преподобнии: / вы бо в целомудрии и чистоте
 житие пожили есте, / Гурие Богомудре и Варсо-
 нофие предивне. / Того ради любовью почитаем
 святую память вашу и молим: / молити Христа
 Бога спастися нам.

Слава, и ныне, Богородичен:

Егда хощу предстати пред лицем Создателя
 моего / в день праведнаго Суды Его, / тогда,
 Владычице, предстани ми / и муки избави мя
 вечныя, / молитву сотворивши о уповающем на
 Тя, Святая Богородице, / да не сиду во ад, / но
 да спасуся Твоим заступлением.

Песнь 4

Ирмос: Из горы приосененныя, Слове, пророк, / единыя
 Богородицы, / хотяща воплотитися Боговидно, усмотри / и
 со страхом славословяше силу Твою.

Благ нрав и послушание к твоему наставнику
 имел еси / и, во свете Святыя Троицы свеселяся,
 с ним поеши: / слава силе Твоей, Господи.

Благословением крайняго святителя / постав-
 ляешися пастырь и учитель новопросвещенному
 граду Казани, / иже прелестию врага омрачен-
 ныя люди светом Богоразумия просветил еси.

Иова праведнаго терпению подражал еси, / в
 болезни слеза, и на одре, телом дручим, изнемо-
 гал еси, / поя Творцу твоему пение непрестанно.

Богородичен:

Богоневѣсто и Богомати, / Плотно́сца без болѣзни рождши и по рождествѣ Дѣва явльшися, / Того моли, Владычице, да избавимся бед и скорбей.

Ин

Ирмос: Ты моя крепость, Господи, / Ты моя и сила, / Ты мой Бог, Ты мое радование, / не оставль недра Отца / и нашу нищету посетив. / Тем с пророком Аввакумом зову Ти: / силе Твоей слава, Человеколюбче.

Патриарха Авраама доблесть восприим, святителю Варсоно́фии, / алчныя кормя и жадныя напаяя, / и не имущим нескудна требованя подавая, / душевным и телесным хлебом кормя вся приходящая / и врученное тебе стадо.

Мужественне терпя от неверных, в плене сый, / и смирения ради права / в кротость преложил еси неверных, / и сего ради от Бога мзду восприим, святителю Варсоно́фии.

Преславными чудотворениями от Бога одарованы быша святии чудотворцы, / исцеляюще недуги и отгоняюще демоны, / молитве избавитися нам от бед вашими молитвами.

Богородичен:

К Преблаженной Деве и Богородице, о преподобнии, / припадите и молитвы прострите, / да умолит Сына Своего, Христа Бога нашего, / подати христоролюбивому народу нашему здравие и на враги победу.

Песнь 5

Ирмос: Мрак души моей разжени, Светодавче Христе Боже, / началородную тьму изгнав бездны, / и даруй ми свет повелений Твоих, Слово, / да, утренюя, славлю Тя.

Архиерей сый, архиереем нашим в молитвах способствуй, / да возмогут граду Казани, благочестия содержителю, / и всему христианскому народу / испросити у Христа мира и велия милости.

Ныне, преблаженне Гурие, душа твоя почивает на Небесех, / предстоя Престолу Христову: / честныя же твоя мочи нетлением почтены, / дают исцеления приходящим с верою.

Древле помраченный змиевою прелестию, / ныне же просвещенный Христовою благодатию /

град Казáнь, видя в себе нетлѣнны мѡщи твоя,
ра́дуется./ Мы же, ча́да твоя, чудесы́ обогаща́-
еми, весели́мся,/ Христа́ сла́вяще, зове́м:/ спаси́
нас, Господи.

Богородичен:

**Богоро́дице, всех Цари́це, благочесті́вому на-
ро́ду нашему на враги́ побѣду да́руй/ и сопроти́в-
ных советы́ разори́,/ и от междоусѡбныя бра́ни
изба́ви,/ и клеветнико́в чѣлюсти сокруши́,
Влады́чице,/ и от всех бед моли́твами Твоими
спаси́ нас.**

Ин

**Ирмос: Вску́ю мя отрину́л еси́/ от лица́ Твоего, Свѣте
незаходимый,/ и покры́ла мя есть чужда́я тьма,
ока́ннаго;/ но обрати́ мя и к свѣту за́поведей Твои́х/
пути́ моя напра́ви, молю́ся.**

**Му́драя учѣния всем показáл еси́/ и душе́вное
естество́ чистѡ стѣжал еси́,/ презира́я плоть,
преходи́т бо:/ и сего ра́ди со А́нгелы Престо́лу
Влады́чню предстои́ши, святителю́,/ моля́ Христа
Бога спасті́ся нам.**

**Воспева́ющих тя и при́сно блажа́щих,/ и па́-
мять твою́ ве́рно прославля́ющих, святителю́
Варсоно́фие,/ освяти́ и просла́ви,/ и от напа́стей
и бед изба́ви.**

**Божѣственным мановѣнием, ѡтче,/ плотско́е
желáние отрину́в,/ и послѣдовал еси́ любѡвию
зову́щему тя Христу́,/ блаже́нне Варсоно́фие,
святителю́ всечѣстне.**

Богородичен:

**Правове́рно чту́щая Тя лю́ди/ и ико́не Твоей
святѣй любѣзно покланя́ющихся,/ о Бо́жия Ма́ти,
спаси́/ и от клеветы́ злых человекъ изба́ви.**

Песнь 6

**Ирмос: Я́ко воды́ морскія́, Человеколю́бче,/ волна́ми
житѣйскими́ обурева́юся./ Те́мже, я́ко Ио́на,/ та́ко вопи́ю
Ти:/ возведи́ от тли живѡ́т мой, Благоутро́бне Го́споди.**

**Утеша́я скорбя́щая, заступа́я оби́димыя, на-
кормля́я алчу́щая/ и вся́ всем подава́я неоску́дно,
Гу́рие святителю́,/ Христа́ Бога моли́ спасті́ся
нам.**

**Бо́жии́м смотре́нием и святителѣ́ским благо-
словѣ́нием, и ца́рским повелѣ́нием,/ руко́ю моёю
недостѡйно́ю прино́симое ва́шим трудо́м по-**

хвалѣние, / преподѣбнии чудотворцы, не отрѣните, но примѣте / и молѣте Христа, да избавит мя шуйяго стояния.

Течѣние воспрѣя и путь совершѣи, и зѣмлю неплодну молитвами твоими доброплодну показá: / и о мне, приносящем тебе пѣние сѣе, святителю, моли Христа, / да принесу и аз покаяния плод, / да избавит мя вѣчнаго мучѣния.

Богородичен:

Богоблаженная и от Ангел покланяемая, и от земных всегда славословимая, / Творца Твоего и Бога, Егѣже родила еси, Пресвятая Дѣво, / моли спастися нам.

Ин

Ирмос: Молитву пролию ко Господу / и Тому возведу печали моя, / яко зол душа моя исполнися, / и живот мой аду приближися, / и молюся, яко Иона: / от тли, Бѣже, возведи мя.

Кѣими похвалами возможем тебе похвалити, / преподѣбне святителю Варсонофие? / По представлѣнии бо твоѣм цѣлы и нетленны обретѣшася цельбоносныя твоя мѣщи.

Вся сотворшаго, и всю вселенную кормящаго Сына Бѣжия / и Ангельскаго Царя Превѣчнаго, Спаса Христа / умоли, святителю Варсонофие, да подаст людем нашим здравие, / и земныя плоды умножит, и грѣхи отпустит.

Истиннаго всех Пастыря Христа, святителю Варсонофие, / моли со всеми освященными лики, / да спасет люди по велицей Его милости, / и сохранени будем от диавольских коварств, чтущии тя.

Богородичен:

Божественней Твоей покланяемся икѣне, Богородице, / просяще от Тебѣ великия милости: / даруй, Владычице, согрешений оставление рабѣм Твоим, / Едина Благословенная.

Кондак святителю Гурию, глас 4:

Чувственныя страсти победив, чистотою, яко солнце, возсиял еси, / чисто житие до конца сохранив, и от неверия в веру многих ко Христу привел еси, / и Того ради от Бѣга нетлѣнием почтен был еси и чудесы удивляем. / Молим тя,

святителю Гуріе, моли́твами тво́ими от бед изба́ви нас, да зове́м ти: / ра́дуйся, о́тче предивный, гра́ду Каза́ни похва́ла и утвержде́ние.

Икос:

Пе́рвый сеятель был еси духо́вных добродете́лей и пе́рвый па́стырь и Це́ркви нача́льник, / пе́рвый архиере́й и учи́тель христиа́нскому зако́ну в новопросвеще́нном гра́де Каза́ни, / ве́рныя лю́ди кормя́ хле́бом уче́ния благода́тнаго зако́на, напая́я пи́вом духо́вныя благода́ти, / неве́рныя же уча́ позна́ти и́стину и кресті́тися святы́м Креще́нием, / и мно́жество наро́да от неве́рия в ве́ру ко Хри́сту приве́л еси, и чи́стым жити́ем Бо́гу угоди́ти наста́вив их. / Сего́ ради Христос свято́му и трудолюбе́зному тво́ему́ те́лу дарова́ нетле́ние и дар чудотворе́ния. / Приходя́щи бо с ве́рою к цельбоно́сным тво́им моще́м прие́млют неоску́дная страсте́й премене́ния / и болезне́й исцеле́ние, и грехо́в прощ́ение / тво́ими, свя́те, ко Хри́сту моли́твами, да зове́м ти: / ра́дуйся, о́тче предивный, гра́ду Каза́ни похва́ла и утвержде́ние.

Песнь 7

Ирмос: О́троцы Богочести́вии в Вавило́не / образу́ злато́му не поклоні́шася, / но посреде́ пе́щи о́гненной, ороша́еми, / песнь воспева́ху, глаго́люще: / Прево́зносимый отце́в и нас Бо́же, благослове́н еси.

Не то́кмо у́бо те́ло твое нетле́нием просла́вил е́сть Бог, святителю́ Гуріе, / но и погребáльная вся и до ны́не пребыва́ют но́вых крепча́йше. / Мы же, сим дивя́щеся, зове́м: / благослове́н Бог отце́в на́ших.

По́двигов тво́их ра́ди и трудо́в, преподо́бне, те́ло твое нетле́нно показа́ Бог: / грóбу бо и ризам вме́сто тле́ния кре́пость дарова́, / благослове́н Бог отце́в на́ших.

Не еди́но у́бо те́ло твое, святителю́, тле́нию бы́сть неприча́стно, / но и погреб́шихся с ве́рою во еди́ной гробни́це с тобо́ю, / моли́твами тво́ими дву мона́хов нетле́нием ода́ри Бог, Ему́же зове́м: / благослове́н еси, Го́споди, Бо́же отце́в на́ших.

Богородичен:

О Всепе́тая и Всенепоро́чная Влады́чице, /

моли́ Сына Твоего, Христа Бога нашего, да избáвит нас вѣчнаго мучѣнія, да поѣм: / благословѣн Бог отцѣв нáших.

Ин

Ирмос: В началѣ зѣмлю основáвый / и небеса́ слóвом утверд́ивый, / благословѣн еси во вѣки, Гóсподи, Бóже отѣц нáших.

Всех блаѓих образ был еси, к в́ышнему жити́ю веду́щ смире́нием и крóтостию. / Тѣмже и Христос па́стыря тя лю́дем Сво́им устраи́ет, пою́щим: / благословѣн Бог отѣц нáших.

Не престáй, Варсоно́фие, моля́ся о духо́вных твоих ча́дех, / ихже духо́вным учѣнием породил еси, да поѣм: / благословѣн Бог отѣц нáших.

Иже твою́ преслáвную пáмять прáзднующим, святителю Варсоно́фие, / моли́ избáвители́и всем от разл́ичных бед и напа́стей, / да вси зовѣм: / благословѣн Бог отѣц нáших.

Богородичен:

Воплóщся от преч́истых Тво́их ложесн Бóжие Сло́во, Дѣво Преч́истая, / всех к Богоразу́мию наста́ви, да поѣм Ему: / благословѣн Бог отѣц нáших.

Песнь 8

Ирмос: Покрыва́яй вода́ми прев́ыспренная Сво́я, / полага́яй мóрю предѣл песо́к / и содержи́ай вся, / Ты поѣт со́лнце, Ты сла́вит луна́, / Тебѣ прино́сит песнь вся тварь, / яко Содѣтелю всех во вѣки.

Преч́истая ра́ка, иде́же положено́ честное́ тѣло твоѣ, святителю Гúрие, / м́ира благоухáнна преиспол́нена бысть. / Иже с вѣрою ма́жущиися неоску́дна исцелѣния приѣмлю́т, зову́ще: / да благослови́т вся тва́рь Гóспода / и превозно́сит Его во вѣки.

Новопросвещѣ́нному граду́ Казáни первопресто́льник посыла́ешися / и мно́жество невер́ных к твоему́ Влады́це Христу́ привѣл еси, / пою́щих Ему: / благослови́те, пойте и превозно́сите Гóспода во вѣки.

Па́стырский жезл приѣм, святителю, / но́вым лю́дем учите́ль был еси, преслáвне Гúрие, / и мно́ги лю́ди агáрянска я́зыка свя́тым Крещѣ́нием обновил еси, да вси с тобо́ю зовѣм: / благослови́те, пойте и превозно́сите Гóспода во вѣки.

Богородичен:

Богоизбранная, Еди́на Всенепоро́чная, / Пречы́стая Богоневесто́ и Богома́ти, / приими́ мо́льбы ве́рою упова́ющих на Тя / и сотвори́ моле́ние ко Святе́й Трѳице изба́витися нам от всех бед, / Тя сла́влящим и превозно́сящим Го́спода во ве́ки.

Ин

Ирмос: На горе́ святе́й просла́вльшася / и в купине́ огне́м / Присноде́вы Моисе́ови та́йну я́вльшаго, / Го́спода по́йте / и превозно́сите во вся ве́ки.

Любомудрства́ душе́внаго не премо́же телесна́я твоя́ боле́знь, о́тче: / о Бо́же бо ре́вность воспри́йм, в ничто́же вменя́еши мимоходя́щую скорбь, / Того́ ра́ди ве́чныя боле́зни избе́гл еси.

Бо́ле у́бо боле́знию боле́зненне, да мимотече́ши сýетных боле́зней / и ны́не на Небесе́х со А́нгельскими ли́ки предсто́иши Святе́й Трѳице, зовы́й: / вся дела́ Го́сподня Го́спода по́йте и превозно́сите Его́ во ве́ки.

Яко́ бо ино́ю пи́щею пита́йся, / зельным поще́нием и всенощным сто́янием изну́ряя плоть твою́, / по́я непреста́нно: / вся дела́ Го́сподня Го́спода по́йте и превозно́сите Его́ во ве́ки.

Богородичен:

Пречы́стая Богоро́дице, приими́ недосто́йную моли́тву мою́ / и сохрани́ мя от клеветы́ злых челове́ков / и от напрасны́я сме́рти, / и да́руй мне пре́жде конца́ пока́яние.

Песнь 9

Ирмос: Сне́дию дре́ва ро́ду прибыв́шая сме́рть, / Кресто́м упраздни́ся днесь: / ибо́ прамате́рняя всеро́дная еля́тва разруши́ся прозябе́нием / Чы́стыя Богома́тере, / Ю́же вся си́лы Небе́сныя велича́ют.

Прия́л еси́ от Христа́ Божество́нное Его́ дарова́ние: / от мно́гих бо лет сокро́вены́ честны́я твоя́ мо́щи в три́десять же второ́е ле́то обрето́шася невреды́мы ничи́мже, / исцеле́ния разли́чна подава́юща.

Па́мять обрете́ния честны́х мо́щей твои́х наста́ нам све́тло пра́зднество, пречу́дный святите́лю Христо́в, прехва́льне Гу́рие, / в ню́же чуде́с благода́ть прия́л еси́ от всех Ца́ря Христа́ Бо́га. / Те́мже зове́м: изба́ви нас от враго́в на́ших.

Благодаре́ственныя пе́сни принесем́ Христу́ Бо́-

гу нашему, / таковаго нам святителя даровавшему, Церкви Своей пречестное удобрение / и граду Казани великое утверждение.

Богородичен:

Умири мир, Христэ, мольбами Чистыя Богоотроковицы, / и низложи вражия силы, и тишину неизглаголанну устрой и во веки сохрани.

Ин

Ирмос: Проявленное на горе законоположнику во огни и купинэ / Рождество Приснодевы, / в наше верных спасение / псньми немолчными величаем.

Празднующим светло память обречения честных мощей твоих людем нашим мир испроси / и усобныя брани укроти, и избави нас от нахождения поганных, / и клеветников чюлости сокруши.

Свободен твой ум от страстей соблюд, и сосуд освящен Духу Пресвятому был еси, / и Христа приим в сердце твоём, / и чудотворец явился еси, прогоняя демоны. / Сего ради молим тя избавитися нам от сетей их твоими, святе, молитвами.

Царю сил Вышних, Христэ, крепостию десницы Твоея покорй враги нечестивыя, / и люди Твоя спаси, и земныя плоды умножи.

Богородичен:

На моление мое умилосердися и радость ми в печали место даруй, Владычице, / и от клеветы злых человек избави мя, да пою Ти: / радуйся, Обрадованная, с Тобю Господь.

Светилен.

Подобен: Посетил ны:

Егда убо честныя ваша и святыя мочи нетленны обретошася, / тогда благоухание от гробов ваших изношашеся, / исцеляющее недуги и отгоняющее дүхи лукавыя.

Слава, и ныне, Богородичен:

Вознеси, Богородице, рог Церкви, / и народу нашему подаждь на враги одоление и крепость, / и Церковь, Чистая, утверди, и люди Твоя помилуй, / да Тя всяк язык христианский величает.

На хвалитех стихиры на 4, глас 2.

Подобен: Егда от Древа:

Тобю освятил есть Господь, святителю

Гүрие, / град великий, неверием погруженный. / Тобою настави неверные люди познати веру истинну. / Тобою же приведошася ко Христу множество неверных. / И неимущим неоскудное подавание, / алчущим кормитель и питатель, и в бедах помощник, / и всем к тебе прибегающим богатное приобретение, / Гүрие преподобне.

Тобою, преподобне святителю Варсонофие, первая и великая обитель Спасова святого Преображения / в новопросвещенном граде Казани составися. / И тобою, яко древесю доброплодна, и яко сад присноцветущий, / и яко плод красен, множество монахов твоему Владыце Христу принесошася: / тобою же множество верных монашеская натрижнениа и труды возлюбивша, / и множество неверных от тьмы возникоша / и к Свету, Христу Богу, притекоша, / и учением твоим мнози спасошася.

Вы убо в мире сем наши начальницы и наставницы / и учителя ко спасению нам явитесь: / ов убо начальный пастырь и святитель граду Казани был есть, / ов же общему житию составитель и монахом учитель и пастырь бысть; / купно же учаще и наказующе Божия люди пути, вводящу в Царство Небесное, / вкупе же и во един час обретошася святыя ваши мочи нетленны / и чудес дар прияли есте от Бога, / исцеление подаваете неоскудно приходящим к вам с верою.

По достоянию убо не можем вас похвалити, отцы преподобнии: / и по смерти убо, не яко во сне, но на яве страждущему от бесов являетесь / и множество духов злых от обуреваемого отгоните, / и глаголати подаете, от бесов языку отрезаемому. / Молите Христа, преподобнии святителие, / и о нас, чисто чтущих святыю вашу память, / да спасет души наша.

Слава, глас 8. Самогласен:

Яко звезды пресветлыя, / во странах Востока явитесь: / понеже от юности своей плотская мудрования преобидесте вся; / вперивше же ум ваш к желаемому Христу Богу, / и скончавше течение доброе постом и молитвою, и милосты-

нею, и бдением, и чистотою телесною./ И отверзеса вам Царство Небесное,/ и видите, яже видят Ангели,/ и воздаяние трудов приемлете:/ Бог бо весть прославляти Свою угóдники/ и подавати венцы нетленные./ Мы же молим вас:/ молите, святии чудотворцы,/ и о нас непрестанно Христа Бóга спасти́ся душам нашим.

И ныне, Богородичен.
Славословие великое, и отпуст.

На Литургии: Блаженна от канона святых, песнь 3 и 6, на 8. Прокимен, глас 7: Честна пред Господем/ смерть преподобных Его. Стих: Чтó въздám Господеву о всех,/ яже въздаде ми. Апостол к Евреем, зачало 335. Аллилуиа, глас 2. Стих: Священницы Твой облекутся в правду,/ и преподобнии Твой возрадуются. Евангелие от Матфея, зачало 11. Причастен: Рáдуйтеса, праведнии, о Господе:

ЗРИ В соответствии с докладом архиепископа Чебоксарского и Чувашского Вениамина (Новицкого; †14 октября 1976 г.), Святейший Патриарх Московский и всея Руси Пимен благословил творить в первое воскресенье после сего дня соборную память всем Казанским святителям: Гурию, Варсонофию и Герману. Служба 4 октября соединяется тогда со службой святителю Герману, архиепископу Казанскому, из Миней (память 6 ноября).

В
ТОЙЖЕ
ДЕНЬ



Святаго священномученика Иерофѣя, епископа Афінскаго.

ВЕЧЕР

На Господи, воззвах: стихиры, глас 4.

Подобен: Дал еси знамение:

Благодать приѣм Всесвятаго, всеславне Иерофѣе, Духа,/ всю прошел еси ныне вселенную,/ уча Единицу в Трех Ипостáсех честі:/ Отца Безначальна, начало Божества,/ с Нимже Сына яко Сопрестóльна Отцу и Единосúсна,/ от Девы раждáема плотно́сца яко Человека.

Дар священнобожественный, твою душу,/ яко благоприятен, принесл еси/ и тело предал еси священо яко Божественное/ и священнодействующее души верующих Вседержителю Богу,/ спасение верным источáющее./ Тем твою память

и погребение ублажаем, / и чудеса любим, и словеса проповедуем.

Ты двенадцатое число апостолов / видел еси на Успении Преславныя / Приснодевы же Пречистыя Богородицы, Матере Господни, / и Дионисий с тобою, / иже Божественныя списав чины, / с нимиже твое всепразднственное и пресвятое торжество, / вернии, ублажаем, Иерофее славне.

Слава, глас 2

Представ Успению Божественному, Богоповестниче, Богоматере, / вещанию Божественными / возвеселил еси сердца, блаженне, верных / и священное сословие Богопроповедателей апостолов усладив, / изступлением Божественнейшим воспевая Божия тайны. / Тем дерзновение ко Христу прием, иерарше Иерофее, / молися о душах наших.

И ныне, Богородичен или Крестобогородичен.

Подобен: Егда от Древа:

Егда Нескверная Агница виде Своего Агнца / на заклание, яко человека, волею влекома, / плачущи, глаголаше: / безчадствовати Мя ныне тщишися, Христе, Рождшую Тя, / что сие сотворил еси, Избавителю всяческих, / обаче воспеваю и славлю Твою, юже паче ума и слова, / крайнюю благодать, Человеколюбче.

Тропарь, глас 4:

Благости научився и трезвяся во всех / благою совестию священнолэпно обокся, / почерпл еси от сосуда избраннаго неизреченная / и, веру соблюд, равное течение совершил еси, / священномучениче Иерофее. / Моли Христа Бога спастися душам нашим.

Слава, и ныне, Богородичен или Крестобогородичен.

НА УТРЕНИ

Оба канона Октоиха, и святого канон егоже краегранесие: Светоносную твою, всеблаженне, память почитаем. Творение Феофаново. Глас 8.

Песнь 1

Ирмос: Воду прошед, яко сушу, / и египетскаго зла избежав, / израильтянин вопияше: / Избавителю и Богу нашему поим.

Небеснаго ученика, тайноводителя, Богоприятне, / Павла, мирскаго ловца, учителя имея, / видения Горнейшаго ученик был еси.

Духодвижный явственнo / Павлов ты язык, вещающ Божия тайны, блаженне, / объяше и Боговещателя содея.

Унзэн любовию духовною / и Божественными словесы в разуме беседуя всех Владыце, всесвященне, / священная словеса возложил еси.

Богородичен:

Света присносушнаго приятелище Боголепное бѣвши, Дево Чистая, / скверн мя всякаго грехá и тимений измый, Владычице.

Песнь 3

Ирмос: **Небеснаго** круга Верхотворче, Господи, / и Церкви Зиждителю, / Ты мене утверди в любви Твоей, / желаний краю, / верных утверждение, / Едине Человеколюбче.

Яко священнословяща священная писмена и благочестия слово проповедающа, / вси почитаем тя, весело сошедшеся, и твою священную память славим.

Крепостию, и манием, и Божественным рачением к Благодетелю всех возпростираяся, / ум твой озарил еси лучами тамошними / и душу просветил еси, преблаженне.

Тезоименне нареклся еси священное Божественное / и святое Богомудрое явился еси возложение Вседержителю и Творцу веков, / и храм украсил еси Небесный.

Богородичен:

Небо Прострый и земный, Чистая, Содержай круг, / и по всему естеством Божества во объятих Твоих плóтски содержася / и верным Тя утверждение всем показа.

Кондак, глас 8.

Подобен: В збранной:

Священноначальника Афинскаго восхваляем тя, / яко тайноучившеся тобою странным и неизреченным: / явился бо еси Богоприятный песнословец. / Но моли, всеблаженне Иерофее, / от всяких нам грехопадений избавитися, да зовем: / радуйся, отче Богомудре.

Таже седален, глас 5.

Подобен: Собезначальное Слово:

Апостольским вещанием огласив твой ум / и упас, преподобне, верных составления, / жертву чисту принесл еси Царю и Творцу, / воплощшемуся за ны от Девы Богородицы / и воскресша со славою, исповедав Его, Иерофее.

Слава, и ныне, Богородичен:

Теплая Предстательнице и непобедимая, / упование известное и непостыдное, / стено, и покрове, и пристанище прибегающим к Тебе, Приснодево Чистая, / Сына Твоего и Бога моли со Ангелы / умирение дати миру, и спасение, и велию милость.

Крестобогородичен:

На Кресте зрящи Тя, Христе, Мати Твоя, / волею посреде разбойников висяща, / растерзающихся утробю матерски, глаголаше: / Безгрешный Сыне, како неправедно на Кресте, якоже злодей, пригвожден еси, / человеческий род хотя оживити, яко Благоутробен.

Песнь 4

Ирмос: Ты моя крепость, Господи, / Ты моя и сила, / Ты мой Бог, Ты мое радование, / не оставль недра Отца / и нашу нищету посетив. / Тем с пророком Аввакумом зову Ти: / силе Твоей слава, Человеколюбче.

Витийскими Боговещаньми украсил еси ликостояния, блаженне Иерофее, верных / и священный собор, Богомудре, возвеселил еси апостольский, / удивлением Божественным действуя и поя: / силе Твоей слава, Человеколюбче.

Весь Богу освящен был еси всеобразно, блаженне, / изступая к Нему Богословными священнословии, священноявлен, Богоприятне, / и Божествен песнословец, и мудр Боговещатель, присутим смисленно судимь.

Ныне видя, отче, Божественная яснейше / мимошедших всех священнейше гаданий и сеней, сущих на земли, / истиннейшая Боговидения сияний, / моли спастися верно поющим: / силе Твоей слава, Человеколюбче.

Богородичен:

Ты Бога Невместимаго, вмещагося во чрево Твое, Пречистая, родила еси, / яко Чистая дев-

ственными украшена светлостью, Всеблаженная./ Тем Тя, Богородицу, истинно благохвалим и Рождество Твое вси славим.

Песнь 5

Ирмос: Вскую мя отринул еси/ от лица Твоего, Свете незаходимый,/ и покрыла мя есть чуждая тьма окайнного:/ но обрати мя и к свету заповедей Твоих/ пути моя направи, молюся.

Купножитель, отче, апостольскому сый собранию,/ с нимже предстал еси на Успение Божественное, Богогласе,/ Жизнодавца плотию нам рождшия Пресвятыя и Чистыя Богоматере.

Преестественно разумев и старчески, яже паче словесе, видения,/ исповеда всем приемлющим верно сияние/ и твоя, всеблаженне, созрительная Богословия,/ разумети любящим, вседобрественнейше.

Пребогатными лучами паче естества светозарением светяся,/ извествованием Божественных откровений и чистотою,/ многих одержал еси временным испытанием, и видением, мудрейшая Божественная научаем.

Богородичен:

Неискусомужно, Дево, Непредельнаго естеством Божества,/ вмужившагося Слова нас ради, человеков, зачала еси от кровей, Отроковице, девственных,/ воображена паче слова, и закона, и естества.

Песнь 6

Ирмос: Очисти мя, Спасе,/ многа бо беззакония моя,/ и из глубины зол возведи, молюся:/ к Тебе бо возопих, и услыши мя,/ Боже спасения моего.

Навычением Боголепным Божественному знанию научаемь,/ словеса, отче, твоя, яко вторая словеса оставил еси яве священнознания,/ души наша просвещающая.

Блажен истинно был еси, Богоблаженне,/ очищенное душою и сущее блаженство,/ и едино желаемое возлюбил еси, доброты Спасовы, Иерофее.

На пречистыя лучи взирая, Богоприятне,/ разумными блистаньми Божественных светлостей,/ тех наслаждения и светодаiania общник явился еси, блаженне.

Богородичен:

Господственно и истинно Тя, Богородице, славим, / сущо бо Сущаго Бога неизреченно родила еси, / плотию по Ипостаси совокупльшася, / Пресвятая Мати Дево.

Кондак, глас 4.

Подобен: Вознесыйся:

Якоже столп непоколебим, Иерофее, / прещення врагов не утрашился, / но прелести разрушил еси твердыню, / яко камень честен валяяся, отче. / Тем Владыка ты, храбрствовавша, венчает / живоначалною и Божественною десницею. / Егоже о всех нас умоли.

Икос:

Закону покаяющася Твоему, Христе, ученицы Твои / и иже от язык всем проповедающе слово Божественнаго Твоего пришествия, / Церквам всем рукополагают верныя, пастыри же и проповедатели. / Пастыря убо и сего положиша, егоже избрал еси от младенства, / и просветив, яко непорочна, Тебе, и произволи на сие того возвед, / и стадо Твое вручив, свидетеля явил еси Твоего Царствия, молящася о всех нас.

Песнь 7

Ирмос: Божия снизхождения / огонь устыдеса в Вавилоне иногда, / сего ради отроцы в пещи радованною ногою, / яко во цветнице, ликующе, пояху: / благословен еси, Боже отец наших.

Святых святая тцаса видети, Богоблаженне, / чистотою жития и зрения Божественнаго высокое, мудре, стяжал еси, / и, поя, зывал еси: / благословен Бог отец наших.

Глагол вещание твоих и списаний добрословесие возвеселяет любовию чествующия / и поущает к песнопению, звати научая: / благословен еси, Боже отец наших.

Единицу, Божеством знаемую, благословил еси, / в Лицах Троицу и поему во Ипостасех Трех, Богомудре, / и, поя, зывал еси: / благословен Бог отец наших.

Богородичен:

Законных естеств, Дево Мати, кроме родила еси / Владычествующаго всеми видимыми и ра-

зумными, Чистая, / Егоже поём, согласно
зовуще: / благословен Бог отец наших.

Песнь 8

Ирмос: Седмерицею пещь / халдэйский мучитель / Бого-
честивым нейстовно разжжé, / силою же лучшею спасé-
ны, сия видеv, / Творцу и Избáвителю вопи́яше: / óтроцы,
благословите, / священницы, воспойте, / людие, превозно-
сите во вся веки.

Всесильное Духа Святаго дéйство в чистéйшую твою душу всéльшися, / Богоприятна проповедника и Богоглагольника показа, / священнолепно Избáвителя пою́ща и верою хвáляща: / священницы, воспойте, людие, превозносите во вся веки.

С благочестным взысканием испытáв неизреченная строения Христовых тáин, / ясно изъявил еси, высокословéсием действуя / и сладчайшим твоих вещáний сложением, вопи́я непрестанно: / священницы, воспойте, людие, превозносите во вся веки.

Всебогатая тя благодать Божественнейшим вдохновением и Богословием испытным исполнила есть: / отсюда источил еси, яко рéки, учения, / апостольская возвеселяща ликостояния, с нимиже ныне воспеваеши: / священницы, воспойте, людие, превозносите во вся веки.

Богородичен:

Умерщвлéну, Пречистая, душу мою грехми / и озлóблену ядовитым угрызéнием, / Бога, могúщаго животворíти всяческая, / неискусобráчно паче естества рождши, возстави вопи́ющую: / дети, благословите, священницы, воспойте, людие, превозносите во вся веки.

Песнь 9

Ирмос: Ужасéся о сем Небо / и земли удивíшася концы, / яко Бог явíся человеком плóтски, / и чрево Твое бысть прострáннейшее Небес: / тем Тя, Богородицу, / Ангелов и человек чиноначалия величают.

Мудрости Премудраго яко рачитель быв, / благодатный венец благолепный, радуясь, приял еси ныне от нея; / и ликóвник Небесный у всяческих Содетеля быв, / моли спастися от бед хвáлящим тя, Иерофée.

Вселился еси в Вы́шния Божéственныя дворы́

и, обители вечныя наследив, / с во́инства Ангельскими ныне прáзднуеши и с апостольскими ч́инми, имже свесели́шися радостне, / с нимиже и соводворя́ясь, верою чествую́щим тя Божественнаго мира проси.

Известная возда́ния восприе́м, иже на земли явления стяжа́л еси, присною любовью взира́я к Богу, / ныне прилежно моли, отче Иерофе́е, / милость и очищение пода́ти верою память твою соверша́ющим, светно́сную и всесвяще́нную.

Богородичен:

Яко Мати всех Содетеля, / ма́терним Твоим дерзновением умоли Твоего Сына / спасти от наси́лия мучительскаго плененныя рабы́ Твоя / и клеветы́ человек лукавых упраздн́ити, / мир же пода́ти и спасение пою́щим Тя.

Светилен.

Подобен: Ж ены́, услышите:

Хуждшее покорил еси лучшему, Богоприятне, / ум страсте́й вожда́ предвчин́ив всеумдро, / отвсюду, Иерофе́е, Богословия был еси о́рган / и апостол Христов, мудре иерарше, / о мире молися.

Богородичен:

Успению Твоему пречистому пришед Иерофей с прочими апосто́лы, / песнь поет Тебе, Отроковице, странную и неизреченную, / Божественно изступая́, яко истинно Богоприятен; / ему́же подобники и нас покажи, Богомати Девице.



**В
ТОЙЖЕ
ДЕНЬ**

Святаго священномученика Петра Капето́лийскаго

Канон, глас 4.

Песнь 1

Ирмос: О твёрзу уста моя, / и напо́лнятся Духа, / и слово отры́гну Цари́це Ма́тери, / и явлю́ся, све́тло торжествую́я, / и воспою́, ра́дуясь, То́я чудеса.

Начало был еси мучеником, Христе, / при Понтийстем Пилáте мученик быв, / возлюбль же немощно́е плотским страданием.

Служил еси, преподобне, без поро́ка Божию жертву, люди очища́я, / жертву же кровию себе принесл еси.

Мертв убо телом явися, / душею же оживе́, тьяклоименíte* Пётре, / веры основание, бесо́в язва.

Богородичен:

Пою Тя, Господи Боже мой, / яко родися от Матере, Девы Чистыя, / и Ту явил еси надежду душам нашим.

Песнь 3

Ирмос: Лук сильных изнемо́же / и немощствую́щии препоясашася силою: / сего ради утверди́ся в Господе сердце мое.

Яко старейшина пречестна наказа, Пётре, / удо́м исправление, супрузе и внуком, / ко Христу приводя.

Скверну отмыл еси всю, Петре, / очисти́в ду́шу с телом, / явил еси Божественный храм, священномучениче, духовный.

Дело́м делатель бывая, телесное же прешед средогра́дие, / явился еси Божественней добро́те, / стратотерпче Петре славный.

Богородичен:

Да Ада́мово падение Создавый Адама воздвигнет, / от Девы милосердия ради паче словесе родился еси.

Песнь 4

Ирмос: Небеса добродетель Твоя покрыла есть, / и земля исполнися славы Твоея, Христэ, / темже верно вопием: / слава силе Твоей, Господи.

Облечёся любовию, Пётре, яко щитом, / яко шлемом, упованием обложився, / щито́м веры со­ставы победил еси бесо́вския.

Яростно боря́ше на тя праведных враг, / но немощен терпением твоим являшеся, имже вопи́аще, славне: / слава силе Твоей, Господи.

Божественную ревность от любви восприим, / зловерных не стерпел еси хуления, / но, яко в сеть, вверже, Петре, обличением безумных.

Силою ума в немощи плóтской доброе испове-

* тьяклоименíte — тезоименíte.

дание устрои, / отметающимся исповеда, Петре,
Иисусово Божество.

Богородичен:

Отроча нам дано бысть от пророчества, / Рож-
денное прежде болезни Божия Матере, / Егоже
начальство на раме Его Божественный Исаия
проповедаше.

Песнь 5

Ирмос: Ты, Господи, мой свет / в мир пришел еси, / Свет
Святый, обраща́я из мрачна неведения / верою воспева́-
ющая Тя.

Постави Христос Себе обителище тебе,
преподобне, / любви ради неложныя Тебе прежде
возлюбившаго.

Мученика Христова Божия уснения тебе,
преподобне, / подобника Его страстем / Боже-
ственная любви явила есть.

Добр ревнитель, не яко Петрово отвержение, /
ты, подобне, явися Богословия, / о Пётре
преблаженне.

Богородичен:

Тя, оружие неборимо, на враги предлагаем, /
Тя, исправление и надежду нашему спасению,
Богоневестная, ймам.

Песнь 6

Ирмос: Возопи, прообразуя погребение тридневное,
пророк Иона, / в ките моляся: / от тли избави мя, Иисусе
Царю Сил.

Глаголы твоими собор поганский, обостряся
нейством, / и смерть совещаща преждесуд-
ную нанести на тя, / страстотерпче Христов,
Пётре славный.

Лютостное враг Христовых / и противное от
болезней чаемая разруши смерть, / но ты избыл
еси проповеданием Христовым, Пётре славный.

Избыл еси, страстотерпче, без надежды смер-
ти и здрав бысть, / иже душею крепкий и телом,
беззаконным язва, / Христов видимый местник.

Богородичен:

Зачала еси во утробе всяческая Устроившаго,
Богородице, / во времени Безвременнаго родила
еси / и по Рождестве, якоже и прежде Рождества,
пребыла еси Нетленная.

Песнь 7

Ирмос: Авраамстии иногда в Вавилоне отроцы, / пещный пламень попраша, пѣсньми зывающе: / отец наших Боже, благословен еси.

Боговещанный твой пред мучительскими судищи / с дерзновением, Петре славный, язык зываше: / отец наших Боже, благословен еси.

Украшенный душею, яко жених в чертозе, / в злодейсей, Петре славне, темнице зываше: / отец наших Боже, благословен еси.

Избавленный душею, связанный узы, / мученический, всехвальне, путь, отче, прошел еси, / благословен еси, вопия, тако Изволивый.

Богородичен:

Пророчестии гласи о тебе, Дево Мати, имеша конец, / яве Христа бо родила еси, / милосердия многа ради нам уподобльшася.

Песнь 8

Ирмос: На Кресте плотию пригвожденнаго / и показавшаго нам оружие во спасение, / отроцы, превозносите Христа Бога нашего во веки.

Беззаконный сын к отцу мучителю связана, страсотерпче, приводит тя, вопиющая: / благословите вся дела Господня Господа.

Исправил есть Христос к цесарем Богословный твой глас, / вопити без трепета, блаженне: / благословите вся дела Господня Господа.

Твоего не стерпя дерзновения, богоненавидный цесарь, / смерти богоразличней, Петре, верный рабе Христов, осуждает тя, Богословяща: / благословите вся дела Господня Господа.

Богородичен:

Из Отца прежде век / и после же из Матере неизреченно воплотившагося, / отроцы, превозносите Христа Бога нашего во веки.

Песнь 9

Ирмос: Ева убо недугом преслушания / клятву вселила есть, / Ты же, Дево Богородице, / Прозябением чревоношения мiрови благословение процвела еси, / тем Тя вси величаем.

Отрезан ти бысть язык всечестный и кровию отечество благослови. / Языком же Духа огненным Божественная вещающая ти веления, невер-

ных неистовство обличашеся, / тем же ты, мучениче, блажим.

Побежден бысть, видя, враг, приснопáмятне, языка твоего отъятие, / руке и ноге отсечение, иждагаеме жагáлы * очи, / к Христу пригваждаем и раздробляем, огневи ты и воде разделяем.

Воздвиг пýту на врага, вседóблий, и главу того сокрушил еси, / венцем же победным увязеся от руки Иисúсовы Вседержителя, / Капетолеóну приснопамятное похваление.

Богородичен:

Ева убо от древа Животнаго изгнана бысть, возбранена наслаждения. / Ты же, Дево Богородице, Живот Превечный ввела еси, / миру живоносное поспешение, подаваемое веры ráди.



**В
ТОЙЖЕ
ДЕНЬ**

**Святаго благовернаго князя
Владими́ра Яросла́вича Новгоро́дскаго,
чудотворца.**

Тропарь, глас 4:

Измлада явился еси, Богомудре княже Владимире, / Божественный сосуд избран Богови, / благочестием воспитан, веру непорочну соблюл / и, храм пречуден Премудрости Божия / в Великом Новеграде сем устроив, / тело Твое в Нем предложил еси, / и ныне, на Небесех предстоя Престолу Святыя Троицы, / молися низпослати и нам велию и богатую милость.

Кондак, глас 8:

Многомудренно пожив в княжении твоём в Великом Новеграде, / благоверный княже Владимире, / плод благый в жизни сей был еси, присноцветущ добродетельми. / Того ради получил еси жизнь вечную на Небесех, / тело же твоё нетлением прославлено бысть на земли, / и ныне праздник твой светло совершающе, / с любовью вопием тебе: / радуйся, великому Новуграду и всей Российской земли утверждение.

* иждагаеме жагалы — изжигаемы раскаленными жалами.

В
ТОЙЖЕ
ДЕНЬ



**Преподобнаго Аммо́на странника,
в Дальних пещерах почивающаго**

Тропарь, глас 2:

Егда изшел еси от мира, / тогда мирская вся
яко тщетна отвергл, / егда же образ иноческий
на ся прият, / тогда вражия коварства подвиги
своими и труды, Аммоне блаженне, попрад еси,
вопия: / Христе Боже, слава Тебе.

Кондак, глас 4:

Да своему Воеводе и Господу, преподобне
Аммоне, благоугодиши, / всех отшався мирских
пристрастий, / странствовал еси Его ради вся
дни живота своего многотрудне, / тем обрет веч-
ный покой, / моли и нам в той вселитися.

В
ТОЙЖЕ
ДЕНЬ



**Преподобнаго Пио́ра Затво́рника,
в Дальних пещерах почивающаго**

Тропарь, глас 5:

Затвори́выйся в месте тёмне, Богоблаженне
Пиоре, / и отнюд света сего и всяких прелестей в
нем сущих зрети нехотевый, / Света же днесь
Невечерняго сподоблься, / моли и нам Светом
темже озаритися.

Кондак, глас 4:

Веселия днесь Лавра Печерская исполняется /
в память благотворнаго затворника / преподоб-
наго Пиора, / вопиюще ко Господу: / дивен еси во
святых Своих.

В
ТОЙЖЕ
ДЕНЬ

Святаго праведнаго князя Стефана Щиляновича, Сербскаго

Тропарь, глас 4:

На земли премудрости славу стяжал еси, /
богатство Господеви своему вручил еси, / и Той
тя с Небесными водворяет, / тело твое на земли,
святе, сохрани невредимо, / ты бо в целомудрии и
чистоте / житие праведно пожил еси, / тем с
дерзновением моли спастися нам.

Кондак, глас 2:

Вышняго желанием прославляя, / и Той ты в
памяти прославляет, праведне, / восхождением
добродетелей совершил еси душу, / премудре свя-
те Стефане, / на земли непорочно житие
соверши, / Зиждителю всех благоугодил еси, /
моли непрестанно о всех нас.

